

Leitbild

Wer me sinn? und was me sai wänn?

Mer sin Mademer! St.Martin, Made, esch unser Häämet. Mer stäjn zu unsre Pälzer G`schicht un Kuldur, un zum Nadurraum der wu uns do gäwwe esch.

Mer sin schdolz uff unsern Wingertsberch. DIE Steillaach vun de Palz is DES Symbol fer unsern schääne Ort.

Mer sin uns bewusst iwwich die herausrachend Laach direkt am Haardtrond. Wu de Owerrheigrawe iwwergeht ins Gebärg, do simmer dehääm. In de Palz gonz owwe.

Unsern traditionsreiche Wei-und Luftkurort esch en Solidär do in de Region.

Uff unser Made simmer schdolz. Mer sähnen uns awwer awer ach in de Pflicht, unsern schääne Ort in seine gesunde Struktüre zu erhalte un in dem Sinn weider zu entwickle.

Was unsern Weinort ausmacht, is de Qualitätsweinbau dorch Generatione.

„St.Martin glänzt mit feinen blumigen Weinen von den Berghängen“, hääßt´s schun im Palzwein-Almanach vun 1930. Sellemols, wu die Nochberschaft norre fer mittlere Tisch-und Tafelweine benamst war, war Made schun vorne debei.

De Weinbau un de Tourismus sin unser zwää wichdigschde Wertschaftsfaktore. Die sichern ach Arbeitsplätz un schaffen Lävingsqualität.

Daß unser Nadur un Klima e bsunnerie Bedeutung hot, als Lävingsgrundlaach fer uns wie fer de Tourismus - des simmer uns bewusst und gäwwen gut acht, daß des wieder so bleibt.

Mer sin e bedeidendie Nadurparkgemää im UNESCO Biosphärenreservat Pälzer Wald. Un dentwäche oriendiert am Tourismusleitbild fer unsern Wald.

Mer Mademer pfechen ach e kulturell bedeidsamie Orts-un Kerchegschicht.

Mer sin stolz uff die veele Kuldurdenkmäler im hischdorische Ortskern. Unser Made hot herausrachende Baude aus em Barock wie aus de Renäsoos.

Mer sin des Dorf der Künschdler und Musikande. Des licht uns halt im Blut.